

佛說稱揚諸佛功德經卷下

【元魏天竺三藏吉迦夜譯】

於是阿逸多菩薩長跪叉手，前白佛言：「世尊！寧有一事，菩薩摩訶薩於此事中，具大乘願，住不退轉，疾成無上正等菩提不？」

佛言：「有！阿逸多！北方有世界，名曰《豐嚴》，其國有佛，號《德內豐嚴王如來》，應供、正遍知、明行足、善逝、世間解、無上士、調御丈夫、天人師、佛、世尊。其有得聞斯佛名者，歡喜信樂，持誦誦念，而為作禮，其人皆當得不退轉，疾成無上正等菩提，却一億劫生死之罪。阿逸多！其有供養五千佛者，此輩人等，乃得聞此《德內豐嚴王如來》名號。其聞名者，從是以後，所生之處，常得天眼，無有不得天眼者；常能徹聽，無有不得天耳者；常能飛行，無有不得神足者；未得泥洹，身常端正，不受醜惡之形，常生尊貴之家，不生下劣之處；未得泥洹，悉能除壞眾欲之縛，其人六根，眼、耳、鼻、舌、身、意，終無有疾；未得泥洹，亦不生無佛之處，聽大尊法，無有障礙；不見僧時，不得聽法時，亦無障礙；亦復不生八難之處。戒常具足，無有缺時；識心清淨，無有忿亂。阿逸多！當知其有得聞此佛名者，淨心信樂，於最正覺，如渴欲飲，發敬信心受持者，此輩人等，必當獲得諸佛世界最上之利，成就殊勝奇妙功德。是故，阿逸多！當專精持此佛名；若族姓男、族姓女，欲得殊勝淨妙刹者，當持誦此尊佛名，稱其名號，而為作禮，自作是言：『我今禮於德內豐嚴王如來，應供、正遍知、明行足、善逝、世間解、無上士、調御丈夫、天人師，佛、世尊。』」

阿逸多白佛言：「惟，天中天！其佛刹土，為在何所？去此遠近？成佛以來，為幾時也？」

佛告阿逸多：「設使縱廣百由延中一大埠沙，取一沙著一佛刹，如是悉著諸佛刹中，悉令沙盡，如是沙數諸佛刹土，悉滿中沙；復取諸佛刹土中沙，復以一沙，著一佛刹，如是諸國刹中，沙悉使令盡，取此沙數，諸佛刹土，悉破為塵；復取一塵，著一佛刹，悉令塵盡，是諸佛國，塵數刹土，猶尚未至，餘未到者，過此百倍，其佛刹土，去此極遠，不可稱量。其佛世尊，在彼《豐嚴》刹土之中，於今現在，與無央數諸開士等、不可稱計諸比丘眾，前後圍遶，而為說法。我於此坐，遙用肉眼，見其如來，於大眾中，廣說經法。彼佛世尊，於彼刹土，在高座上，亦用肉眼，觀此世界，亦復見我在於座上，於大眾中而說經法。阿逸多當知！若有眾生，信諸如來肉眼所見而歡喜者，此必成就正覺之道，斯等皆諸佛如來之所護持，令使信樂而不狐疑，斯等皆當受持如來深妙之法，得不退轉於無上菩提。是故，阿逸多！其有欲求此大福者，若使三千大千世界，火滿其中，亦當入中，聽斯佛名智慧之法。」

【公元 2019/10/19 日馬來西亞萬撓佛教會蔡文端修正版】

出：佛說稱揚諸佛功德經卷下

【元魏天竺三藏吉迦夜譯】

喃謨世尊德內豐最上莊嚴王如來【誦七遍】

Namo bhagavate guṇa-ākara-antar-prabhūta-uttama-vyūha-rājāya
tathāgatāya arhate samyak-saṃbuddhāya.

誦此梵音佛名功德：具有开天眼的作用，能够德泽众生，乃至众生已死还生，如树木得生新芽枝叶，利职位提升和求财；种福田，由衰转为兴旺直到成功。开天眼原理：众生本具天眼，誦此梵音佛名，可使退化状态的《天眼》转为生长显发的状态，因而打开天眼，遂心满愿。

【公元 2019/10/19 日 1.05 P.M. 馬來西亞萬撓佛教會蔡文端恭譯】

不空摩尼供養德內豐最上莊嚴王如來真言【誦七遍】

Om, amogha maṇi pūjā mantra pra-sava vi-kurvite, samanta guṇa-
ākara-antar-prabhūta-uttama-vyūha-rāja tathāgata viṣayam ā-bharaṇa
gandha-sugandha maṇi-ratna gandha-puṣpa pra-varṣaṇa svāhā.

【上述供養咒修正於 2020/4/1 日 10.07 P.M.】

誦此梵音佛名功德，乃是聖觀世音菩薩所說，為大藏經里所無，受持者請察之。